

ქ. თბილისი

20 აპრილი 2016 წელი

ხელშეკრულების დამდები მხარეები

ერთის მხრივ სსიპ „შემოსავლების სამსახური“ სამსახურის ფინანსური დეპარტამენტის უფროსის მოვალეობის შემსრულებლის, გიორგი გომარელის სახით (შემდგომში „შემსყიდველი“) იურიდიული მისამართი ქ. თბილისი, გორგასლის ქ. №16, ს/კ №204525585, სახელმწიფო ხაზინა, კოდი №TRESGE22, ანგარიში/სახაზინო კოდი 70701

(ორგანიზაციის დასახელება, იურიდიული მისამართი და საბანკო რეკვიზიტები)
და მეორეს მხრივ სს „სასტუმროებისა და რესტორნების მენეჯმენტ ჯგუფი - ემ|გრუპ“, მისი დირექტორის ირაკლი კასრაძის სახით (შემდგომში მიმწოდებელი), იურიდიული მისამართი ქ. თბილისი, მარშალ გელოვანის ქ. №2, ს/კ 205073016, სს „თიბისი ბანკი“-ს, კოდი TBCBGE22, ა/ა # GE45TB7619136020100019

(ორგანიზაციის დასახელება, იურიდიული მისამართი და საბანკო რეკვიზიტები)

1. ხელშეკრულების საგანი და შესყიდვის ობიექტი

1.1 ხელშეკრულების საგანია შემოსავლების სამსახურის მომსახურების საფასურიდან მიღებული სახსრებით რესტორნებისა და საზოგადოებრივი კვების წარმოების (CPV55300000) შესყიდვა წინამდებარე ხელშეკრულებით გათვალისწინებული პირობების შესაბამისად, საერთაშორისო ურთიერთობათა დეპარტამენტის უფროსის მოადგილის 2016 წლის 07 აპრილის (რეგისტ. №40861-21) და საერთაშორისო ურთიერთობათა დეპარტამენტის უფროსის მოადგილის 2016 წლის 20 აპრილის (რეგისტ. №46882-21) მოხსენებითი ბარათების და გამარტივებული შესყიდვის საშუალებით სახელმწიფო შესყიდვების შესახებ საქართველოს კანონის 10¹ მუხლის მე-3 პუნქტის „ვ“ ქვეპუნქტის შესაბამისად.

1.2 შესყიდვის ობიექტია: მსოფლიო საბაჟო ორგანიზაციის მიერ შემუშავებული - ტვირთის შერჩევის სისტემის პროექტში მონაწილე წარმომადგენლებისათვის სარესტორნო მომსახურების უზრუნველყოფა 2016 წლის 21 და 26 აპრილს მიმწოდებლის მფლობელობაში არსებულ რესტორან „მეტეხის ჩრდილი“-ში.

2. ხელშეკრულების ღირებულება

2.1 შესყიდვის ობიექტის ფასი განისაზღვრება ლარებში.

2.2 ხელშეკრულების საერთო ღირებულება შეადგენს 809.05 (სამას ერთი და 84 თეთრი) ლარს ხელშეკრულებით გათვალისწინებული თანამდევნი ხარჯებისა და გადასახადების (დ.დ.გ. და სხვა) ჩათვლით.

2.3 ხელშეკრულების 2.2 მუხლში აღნიშნული თანხა შეიძლება შემცირდეს (დაზუსტდეს) მიმწოდებლის მიერ ფაქტიურად გაწეული მომსახურების მიხედვით, შესაბამისად ანგარიშსწორება განხორციელდება ფაქტობრივად შესრულებული მომსახურებისა და მხარეთა უფლებამოსილი წარმომადგენლების მიერ ხელმოწერილი მიღება-ჩაბარების აქტის საფუძველზე.

3. ხელშეკრულების შესრულების კონტროლი

3.1 მიმწოდებლის მიერ ნაკისრი ვალდებულებების შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს.

3.2 ხელშეკრულების მიმდინარეობის კონტროლის მიზანს წარმოადგენს:

3.2.1 მომსახურების გაწევის ვადების ხელშეკრულების მოთხოვნებთან შესაბამისობის დადგენა;

3.2.2 შესაბამისი შემოწმების აქტის საფუძველზე გაწეული მომსახურების ან/და მისი ნაწილის ხარისხის ხელშეკრულების მოთხოვნებთან შესაბამისობის დადგენა ინსპექტირების აქტის გაფორმება.

3.2.3 სახელმწიფო შესყიდვის შესახებ ხელშეკრულების პირობების შესაბამისად წარმოდგენილი დოკუმენტების საფუძველზე მიმწოდებლის მხრიდან ხელშეკრულებით ნაკისრ ვალდებულებებზე კონტროლის განხორციელება, მიმწოდებელთან მიღება-ჩაბარების აქტის გაფორმება და ანგარიშსწორების პროცესის რეგულირება.

3.3 ხელშეკრულების შესრულების კონტროლს ახორციელებენ სსიპ „შემოსავლების სამსახურის“-ს უფროსის ბრძანებით განსაზღვრული პირთა ჯგუფი.

4. მომსახურების გაწევის პირობები

4.1 სარესტორნო მომსახურება უნდა განხორციელოს მიმწოდებელმა 21 და 26 აპრილს, რესტორან „მეტეხის ჩრდილი“-ში.

5. შესყიდვის ობიექტის მიღება-ჩაბარების წესი

5.1 შესყიდვის ობიექტის მიღება-ჩაბარება ხორციელდება მიღება-ჩაბარების აქტის საფუძველზე, მიმწოდებლის მიერ ფაქტიურად გაწეული მომსახურების ღირებულების შესაბამისად.

5.2 მიმწოდებელმა შემსყიდველს უნდა წარუდგინოს მომსახურების გაწევისას მიღება-ჩაბარების აქტი და საგადასახადო ანგარიშშეაქტურა.

5.3. ხელშეკრულების 5.2. პუნქტით გათვალისწინებული დოკუმენტაცია მიმწოდებელმა შემსყიდველს უნდა წარუდგინოს შემდეგ მისამართზე: ქ. თბილისი, გორგასლის ქ. #16, სსიპ „შემოსავლების სამსახური“.

5.4 ხელშეკრულების შესრულების კონტროლზე და ხელშეკრულებით გათვალისწინებული მიღება-ჩაბარების აქტების გაფორმებაზე უფლებამოსი პირია შემოსავლების სამსახურის ფინანსური დეპარტამენტის უფროსის მოადგილე.

6. ანგარიშსწორება

6.1. ანგარიშსწორება მიმწოდებელთან განხორციელდება ლარებში, უნაღდო ანგარიშსწორების ფორმით, მიმწოდებლის მიერ ფაქტობრივად გაწეული მომსახურების ღირებულების შესაბამისად.

6.2. ანგარიშსწორება განხორციელდება მიმწოდებლის საბანკო რეკვიზიტებზე.

6.3. ანგარიშსწორება მიმწოდებელთან განხორციელდება ხელშეკრულების 5.2. პუნქტის შესაბამისად გაფორმებული ინსპექტირების აქტის, საბოლოო მიღება-ჩაბარების აქტის და საგადასახადო დოკუმენტაციის საფუძველზე (იმ შემთხვევაში თუ მიმწოდებელი დღგ-ს გადამხდელია, ხოლო თუ მიმწოდებელი არ არის დღგ-ს გადამხდელი, მაშინ მიმწოდებელმა უნდა წარმოადგინოს შესაბამისი ცნობა სსიპ შემოსავლების სამსახურიდან) არაუგვიანეს 20 (ოცი) კალენდარული დღის განმავლობაში.

7. მხარეთა ვალდებულებები

7.1. „მიმწოდებელი“ ვალდებულია:

7.1.1. გაუწიოს „შემსყიდველს“ უფლებრივად და ნივთობრივად უნაკლო მომსახურება;

7.1.2. „შემსყიდველს“ გაუწიოს მომსახურება ხელშეკრულების პირობების შესაბამისად და უზრუნველყოს თანმხლები დოკუმენტაციის წარდგენა;

7.1.3. კეთილსინდისიერად და მაღალპროფესიონალურ დონეზე შეასრულოს ნაკისრი ვალდებულება;

7.1.4. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.2. „შემსყიდველი“ ვალდებულია:

7.2.1. უზრუნველყოს „მიმწოდებლის“ დროული და სრული დაფინანსება;

7.2.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.2.3. დაიცვას ხელშეკრულებით გათვალისწინებული ყველა პირობა.

8. მხარეთა უფლება

8.1. „მიმწოდებელს“ უფლება აქვს:

8.1.1. ხელშეკრულების ფარგლებში მოითხოვოს დროული და სრული დაფინანსება.

8.2. „შემსყიდველს“ უფლება აქვს:

8.2.1. აწარმოოს გაწეული მომსახურების ხარისხისა კონტროლი;

8.2.2. განაცხადოს უარი უხარისხოდ გაწეული მომსახურების მიღებაზე.

9. ფორს-მაჟორი

9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზიაროს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

10. ხელშეკრულების პირობების და ფასების გადასინჯვა

10.1. თუ რაიმე წინასწარ გათვალისწინებული მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

10.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

10.4. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

11. სადაო საკითხების გადაწყვეტა

11.1. შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

12. ხელშეკრულების შესრულების შეფერხება

12.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუზიაროს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

13. ხელშეკრულების პირობების შეუსრულებლობა

13.1. იმ შემთხვევაში, თუ მიმწოდებლის მხრიდან ხელშეკრულებით გათვალისწინებული პირობების შესაბამისად არ განხორციელდა შესაბამისი მომსახურების გაწევა, მიმწოდებელს დაეკისრება პირსაგამტეხლო შეუსრულებელი ვალდებულების ღირებულების 0,5%-ის ოდენობით ყოველ ვადაგადაცილებულ დღეზე.

13.2. იმ შემთხვევაში, თუ ხელშეკრულებით ნაკისრი ვალდებულებების არაჯეროვანი შესრულების ან შეუსრულებლობისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს, მეორე მხარეს უფლება აქვს შეწყვიტოს ხელშეკრულება.

13.3. შემსყიდველის მხრიდან ხელშეკრულების 6.3. პუნქტით გათვალისწინებული ანგარიშსწორების ვადების დარღვევის შემთხვევაში შემსყიდველს მიმწოდებლის სასარგებლოდ დაეკისრება პირგასამტეხლო შეუსრულებელი ვალდებულების ღირებულების 0,1% ყოველ ვადაგადაცილებულ დღეზე.

14. ხელშეკრულების შეწყვეტა

14.1. ხელშეკრულება შეიძლება შეწყვეტილ იქნეს:

14.1.1. მხარეთა შეთანხმებით;

14.1.2. ერთი მხარის მიერ 10 (ათი) კალენდარული დღის განმავლობაში ხელშეკრულებით ნაკისრი ვალდებულებების შეუსრულებლობისათვის;

14.1.3. ერთ-ერთი მხარის ინიციატივით, მეორე მხარის წერილობითი გაფრთხილებიდან 10 (ათი) კალენდარული დღის განმავლობაში;

14.1.4. საქართველოს მოქმედი კანონმდებლობით გათვალისწინებულ სხვა შემთხვევებში.

15. ხელშეკრულების მოქმედების ვადა

15.1. ხელშეკრულება ძალაში შედის მხარეთა მიერ მისი ხელმოწერის თარიღიდან და ძალაშია 2016 წლის 05 ივნისამდე მხარეთა მიერ ხელშეკრულებით ნაკისრი ვალდებულებების სრულ და ჯეროვან შესრულებამდე.

16. განსაკუთრებული პირობები

16.1. ხელშეკრულება შედგენილია სამ ეგზემპლარად და თითოეულ მათგანს თანაბარი იურიდიული ძალა აქვს;

16.2. ხელშეკრულების ერთი ეგზემპლარი ინახება „მიმწოდებელთან“; ორი ეგზემპლარი „შემსყიდველთან“.

„შემსყიდველი“
სსიპ „შემოსავლების სამსახური“

გიორგი გომარელი
ფინანსური დეპარტამენტის უფროსის
მოვალეობის შემსრულებელი



„მიმწოდებელი“
სს „სასტუმროებისა და
რესტორნების მენეჯმენტ ჯგუფი -



შემოსავლების სამსახურის უფროსს
ბატონ გიორგი თაბუაშვილს

საერთაშორისო ურთიერთობათა დეპარტამენტის
უფროსის სამსონ ურიდიას

მოხსენებითი ბარათი

ბატონო გიორგი,

მოგახსენებთ, რომ მ/წ 24-27 აპრილს დაგეგმილია ყაზახეთის რესპუბლიკის საბაჟო ადმინისტრაციის 4 კაციანი დელეგაციის ვიზიტი შემოსავლების სამსახურში. დელეგაციის შემადგენლობაში არიან ყაზახეთის საბაჟო ადმინისტრაციის მეთოდოლოგიის, საბაჟო კონტროლის ორგანიზაციის და საინფორმაციო-ტექნოლოგიების დეპარტამენტების ხელმძღვანელები.

ვიზიტის მიზანია გაფორმების ეკონომიკური ზონის მუშაობის სპეციფიკის გაცნობა და მისი შექმნის კუთხით არსებული გამოცდილების გაზიარება; საბაჟო მონაცემთა ავტომატიზირებული სისტემის ASYCUDA-ს ფუნქციონირება; საბაჟო რისკების მართვის სისტემა.

ხსენებული ვიზიტის სათანადო დონეზე ორგანიზების მიზნით, გთხოვთ, დაავალოთ თქვენდამი დაქვემდებარებულ სტრუქტურულ ერთეულებს შემდეგი საორგანიზაციო საკითხების უზრუნველყოფა:

- ორი მსუბუქი ავტომობილი
- 5 ბოთლი ქართული ღვინო და ჭაჭა
- მ/წ 25 აპრილს - სადილი „გუდვილში“ (თბილისის გეზ-ის პირდაპირ), ვახშამი რესტორან „წისქვილში“. მ/წ 26 აპრილს - სადილი რესტორან „მეტეხის ჩრდილში“. მ/წ 27 აპრილს - სადილი რესტორანი „ქართული ღვინის პალატა“ (მცხეთა).

დანართი: 1გვ. (დღის წესრიგი)

პატივისცემით,

დაჩი ქინქლაძე

A handwritten signature in black ink, appearing to be 'დაჩი ქინქლაძე', with a long horizontal stroke extending to the right.

დ.ე. უფროსის მოადგილე

საერთაშორისო ურთიერთობათა დეპარტამენტი

შემოსავლების სამსახურის უფროსს
ბატონ გიორგი თაბუაშვილს

საერთაშორისო ურთიერთობათა დეპარტამენტის
უფროსის სამსონ ურიდიას

მ ო ხ ს ე ნ ე ბ ი თ ი ბ ა რ ა თ ი

ბატონო გიორგი,

როგორც მოგეხსენებათ, შემოსავლების სამსახურში მიმდინარეობს მსოფლიო საბაჟო ორგანიზაციის მიერ შემუშავებული - ტვირთების შერჩევის სისტემის WCO CTS (Cargo Targeting System) დანერგვა.

WCO CTS - წარმოადგენს სპეციალურ პროგრამულ უზრუნველყოფას, რომელიც შემუშავებულია, რათა საბაჟო ადმინისტრაციებს დაეხმაროს ტვირთის შესახებ ინფორმაციის შეგროვებაში, შენახვაში და გაცვლაში. WCO CTS სპეციალური პროგრამული უზრუნველყოფა შეიცავს აპლიკაციას, რომელიც ნაციონალურ დონეზე ტვირთის შესახებ მონაცემების შეგროვებისა და შენახვის საშუალებას იძლევა, ასევე, გააჩნია ინტერფეისი საერთაშორისო დონეზე საბაჟო ადმინისტრაციებს შორის ინფორმაციის გაცვლისათვის.

WCO CTS დანერგვით საბაჟო ადმინისტრაციებს შეეძლება ტვირთის რისკები შეაფასონ სტრუქტურირებულ მონაცემთა ბაზაში. ის საშუალებას იძლევა, რომ მოხდეს მაღალი რისკის მქონე ტვირთების იდენტიფიცირება და ხელი შეუწყოს იმ ტვირთების მოძრაობას, რომელიც არ არის მიჩნეული მაღალი რისკის მქონედ.

სისტემის იმპლემენტაციის ფარგლებში, მ/წ 18-22 აპრილს საქართველოს ფინანსთა სამინისტროს სსიპ საფინანსო აკადემიაში, დაგეგმილია: ტვირთების შერჩევის სისტემის გამოყენების ტრენინგების მოსამზადებელი (ToT) სწავლება, რომელსაც ჩაატარებენ მსოფლიო საბაჟო ორგანიზაციის მიერ მოწვეული ორი ექსპერტი აშშ-დან და ბრიტანეთიდან. სწავლებაში მონაწილეობას მიიღებს საბაჟო

დეპარტამენტის 6 თანამშრომელი (იხ. დანართი), რომლებიც შემდგომ მოამზადებენ შესაბამის მებაჟე ოფიცრებს ფოტოში და ბათუმში.

ზემოაღნიშნულის გათვალისწინებით, გთხოვთ, დაავალოთ თქვენდამი დაქვემდებარებულ სტრუქტურულ ერთეულებს, უზრუნველყონ შემდეგი საკითხების მოგვარება:

- დანართში მითითებული თანამშრომლების ტრენინგის ბრძანების მომზადება
- მსუბუქი ავტომანქანის გამოყოფა ექსპერტების დახვედრა/გაცილებისა და ტრენინგის ფარგლებში გადაადგილების მიზნით
- ვახშმის ორგანიზება (3 პერსონაზე) მ/წ 22 აპრილს და ქართული ღვინის შეძენა (2 ბოთლი)

დანართი: 1 გვ.

პატივისცემით,

სამსონ ურიდია

დეპარტამენტის უფროსი

საერთაშორისო ურთიერთობათა დეპარტამენტი

Tamta Gogelashvili

From: Mindia Grdzelidze
Sent: Wednesday, May 04, 2016 2:41 PM
To: Tamta Gogelashvili
Subject: ვახშმის გადანაცვლება

გამარჯობა თამთა,

მიმდინარე წლის 7 აპრილის 40861-21 მოხსენებით ბარათში მითითებული ვახშამი 22 აპრილის ნაცვლად 21 აპრილს გადაინაცვლა რესტორან „მეტეხის ჩრდილში“.

გმადლობთ,

პატივისცემით,

მინდია გრძელიძე


მრჩეველი, საერთაშორისო ურთიერთობათა დეპარტამენტი
შემოსავლების სამსახური
თბილისი 0179, მ. კოსტავას ქ. N68ა
ტელ.: +995 (32) 2262903 | მობ.: +995 (599) 471771
ელ. ფოსტა: m.grdzelidze@rs.ge
www.rs.ge



**შემოსავლების
სამსახური**

Mindia GRDZELIDZE (Mr)

Advisor, Department for International Relations
Georgia Revenue Service
Tax and Customs Administration, SPS Border Control Agency
68A Kostava Street, 0179 Tbilisi, Georgia
Phone: +995 (32) 2262903 | Cell: +995 (599) 471771.
E-mail: m.grdzelidze@rs.ge
www.rs.ge



**GEORGIA
REVENUE
SERVICE**